



DISSERTATIO INAUGURALIS MEDICA, #2.  
DE  
ADSTRINGENTIUM PERVERSO  
IN HÆMORRHAGIIS USU ET EFFECTU,

QUAM AUSPICE DEO PROPITIO  
*Et Consensu atque Auctoritate Gratiſſe Facultatis Medicæ,*  
IN ALMA REGIA FRIDERICIANA,

PRÆSIDE  
DN. D. MICHAELE ALBERTI,

SACR. MAJEST. REG. BORUSSIÆ AULICO ET CONSIST. MAGDEB. CONSILIARIO,  
MEDIC. ET PHILOS. NATUR. PROFESSORE PUBLICO ORDINARIO, ETC.

FACULTATIS MEDICÆ DECANO SPECTATISSIMO,  
*Domino Patrono ac Promotore suo omni honoris cultu prosequendo,*  
PRO GRADU DOCTORIS,

*Summisque in Medicina Honoribus & Privilegiis Doctoralibus legitime impetrandis,*

HORIS LOCOQUE CONSVETIS, ANNO MDCCXXIX. D. AUGUST.

PUBLICAE AC PLACIDAE ERUDITORUM VENTILATIONI SUBICIET  
RESPONDENS

IGNATIUS DENICLER,

LANDESHUTA - SILESIUS.



HALÆ MAGDEB. LITTERIS HENDELIANIS.







## PROOEMIUM.



Medicina rationalis inter alia requisita, non modo remediorum selectum, sed & congruum illorum usum completur, quoniam in imperiti manu medicamenta, si non aliquando ex accidenti bonum, ut plurimum tamen perversum & sinistrum usum exserunt; siquidem alias remedia præter divinam benedictionem, non nisi sub prudentis & probati artificis manu salutarem effectum edere possunt; quemadmodum in communi ordine naturali omnia media, instrumenta & subsidia in congrua relatione & comparatione, ut & iusto ordine virtutem suam salutiferam exhibere possunt: hinc in Medicina non sufficit tantum morbos & remedia nosse, sed potius præstat probata, efficacia & secunda talia remedia juxta rationes subjecti ægrotantis, causæ morbificæ & ipsius morbi condigne ordinare; & in hac observatione



tione consistit, methodus medendi ac iudicium practicum: unde perperam confidentia tantum in hoc aut illud remedium conjicitur, quod in dextra manu dextros & salubres, in sinistra vero i. e. imperita manu, sinistros & perversos prodit effectus: Inter alia remediorum specimina magnam vulgo tenent & possident existimationem sic dicta Adstringentia, quibus ex *Galenii* iudicio multiplex virtus medicamento. sa adscribitur; unde eadem in multis casibus & necessitatibus, multis sacra quasi anchora existit; quamobrem sub variante interpretatione facile hujus tituli remedia Panaceis & Polychrestis adscribi queant, dum modo fluidas, modo solidas partes afficiunt, modo solidas mobiles, modo fixas & immobiles obfirmare & alterare dicuntur: modo nimios motus coercere, modo deficientes roborare traduntur, adeoque & materiae & motui satisfacere creduntur: Seorsim vero de talibus remediis asseveratur, quod alio usu & effectu vias & exitus occludant, alio recludant & aperiant; nunc resolvant, alibi incrassent, jam fibras motrices necessario robore instruant, nunc nimio motu praeditas, congrua temperie afficiant: interdum motus excitent, aliquando refrænent; alibi partes augeant, reparent, consolident & restituant, alibi minuant, imprimis si luxuriari & in superfluam ampliationem abire videntur, quamobrem nonnunquam contra nimiam obesitatem commendantur: nunc destinantur ad illum scopum, quo humores e partibus repellant, alibi quo in partes advehant & impellant, aliquando iisdem calida, nonnunquam frigida facultas tribuitur; modo cerebrum, cor, ventriculum



culum aliasque partes roborare dicuntur, modo nimios in hisce partibus motus refrænare & compescere debent: propterea cephalica, cordialia, pectoralia, stomachica, hepatica, uterina, splenetica, nephritica varia dantur remedia, quæ de adstringentium profapia esse solent: quid quod illi, qui specificorum remediorum existentiam aut dubiam & æquivocam, aut fallacem & imaginariam esse putant, illud iudicium ferre solent, quod specifica non alia sint remedia, quam quæ ad communem classem adstringentium pertinent: quare ferme pluribus indicationibus therapeutice remedia hujus nominis combinari possent, si secundum communem dijudicationem procedere malimus: ob id etiam contingit, ut aliquando adstringentibus virtus adscribatur plane alterius efficaciam, quale exemplar occurrit in radicibus bistortæ & tormentillæ, quibus vis alexipharmaca, aut speciali modo malignitati resistens tribuitur: imo in aliis arduis morbis, quædam remedia illis opposita, quæ peculiari virtute opem iisdem conciliare dicuntur, ex adstringentium classe seliguntur, qualia interdum nonnulla antispasmodica, anticonvulsiva aliaque existunt; & quo effectu magis remedium quoddam se prodit, quam si oppositis effectibus & operationibus inclarescit, qualia remedia seorsim etiam concelebravit *Galenus*, quæ aliquando aperiunt, interdum retinent & occludunt, excedentes excretionem retinent, retentas & deficientes promovent, quales virtutes etiam adstringentibus adscriptas passim legimus: Et sane optandum esset, ut hæcenus



allegatæ laudes securis usibus respondeant, ne forte interdum æquivocos & fortuitos effectus in deprædicatis illis encomiis aliquando reperiamus: Quam altisonæ & jucundæ de adstringentibus prædictæ sunt promissiones, tam eximiam diffidentiam causantur tot sinistri & perniciosi effectus, qui cum talibus medicamentis excitati fuerant; ubi quidem ob abusum, aut malum usum illorum perita & circumspecta ordinatio haud rejicitur, dum in foro therapeutico iisdem carere haud possumus; quare & ista, sicut omnia reliqua adminicula medicamentosa artificiosam ordinationem requirunt; attamen diversa experimenta testantur, quod non omnis artificiosa horum remedium commendatio & propinatio sit, quæ pro tali haberi vult, quin potius crebra testimonia comprobant, quam facile & frequenter in multis casibus & occasionibus cum illorum adstringentium usu pravi effectus & perniciosæ consecutiones provocentur: & quando morbos chronicos, alios prægressos morbosos affectus consequentes attento scrutamur animo tunc sane in comparatione ad alias causas, multum illorum adstringentium usui suas debent origines & radices: Proinde hæc remedia multis sacram velut exhibent anchoram, præcipue in largis aut prodigis excretionibus, in quarum cura quidam in præcoci & sensus ad minimum tranquillante suppressione & retentione acquiescunt & morbum tali modo curatum esse sibi persuadent, cum tamen multi ex prava consecutione sapere & aliter sentire discant, modo aliquando corruptus consequentis morbi status aliquam emen-



emendationem admittat: nec facile quenquam, rerum medicarum gnarum later, quomodo multi Medici & Chirurghi peculiare compositiones & formulas adstringentium remediorum, vario modo commixtas & ut ajunt correctas, possideant & commendent: Inter alias laudes, quæ adstringentibus tribuuntur, inclaudit illa vis, qua præternaturales & excedentes aut incongruas & perniciosas sanguinis profusiones compescere & suppressere dicuntur; quod vero in hac ordinatione artificiosa, judiciofa & circumspecta directione indigeant, variis demonstrationibus probari potest: Quam ob rem præfenti Inaugurali Specimine ADSTRINGENTIUM PERVERSUM IN HÆMORRHAGIIS USUM ET EFFECTUM brevi explicatione indicabimus: Adfit nostris conatibus divina Benedictio, ut votis bonis respondeant.

§. I.

**Q**uando de *Adstringentium sinistro usu & effectu in Hæmorrhagiis* differere cogitamus, tunc quoad *titulum* pro illustratione pauca monere placet, videlicet, quod remedia, quæ virtute *zali* prædita in schola medica agnoscuntur, non absolute *deobstruentia* & successum alicujus fluxus *opprimantia* & sufflaminantia existant, sed talia quæ modo *fibres motrices*, sive fibrarum *tonum* ita *excitant* & adjuvant, ut modo actualis *fluxus* cujusdam *retentio* & *occlusio* consequatur, modo alius *efficacior* & *vegetior* gradus motus in  
iis.



iisdem provocetur, quo mediante functio in aliqua parte administranda *allevatur*, modo *præjudiciosus* motus & processus *cobibetur*, quales effectus non raro sub prudenti & perita directione ad *salutarem* scopum promoventur, ut ita *in genere* inclarescat, quod adstringentia sub manu artificis multiplicem *salutem* afferre adjuvent: Quod *sinistrum* usum horum adstringentium attinet, tunc ille præcipue respicit partim ipsa *remedia potentius* adstringentia, aut in *sensibilibioribus* & in *excedentes* motuum gradus pronis subjectis, aut in affectibus *mitioribus* & tractabilioribus, quibus *fortiora* talia remedia *adæquata* *haud* sunt, adhibita, partim quando quælibet adstringentia in *subjecto inconuenienti*, inopportuno *tempore*, *quantitate* suspecta, *methodo* incongrua, minus necessaria *repetitione*, præter ullam *urgentem* necessitatem, quando etiam alia, mitius & *securius* operantia in aliquo morbofo statu & effectu conveniunt & *satisfaciunt*, ut & quando minus digna *præcautione*, minus apta corporis *præparatione*, minus sollicita *potentioris* effectus adstringentis *mitigatione*, minus provida *alienarum* consecutionum *præservatione* adhibita fuere, qualem usum dein aut *evidenter perniciosi*, aut fati *suspecti*, aut alii etiam *incongrui* effectus excipiunt, qui morbum præsentem *exacerbant*, *deteriorant*, *contumaciorem* reddunt, *corrumpunt*, in *aliud* schema conjiciunt, cum *novo superveniente* affectu morbofo *complicant*, adeoque diverso modo noxam inferunt; ex quibus effectibus & consecutionibus facile *sinister* horum remediorum usus inclarescit, ut propterea periti & prudentes Medici *cautum* usum, cum iisdem observandum, commendent: *conf. Illustr. D. D. Stablius in disp. de Adstringentium cauto usu*: Quod porro  
per-



*perversum* adstringentium effectum concernit, tunc ille interdum plane *alius* occurrit, quam quidem *intentus* & institutus fuit: ita enim inter medicos observatores constat, quod sub *diversa* applicatione & relatione hæc remedia *contrarios* effectus edant; hinc *Smetius in Miscell. Med. Lib. 1. ep. 3. p. 33.* testatur, quomodo aliquando *adstringentia imbecilla roborent*, aliquando *partes imbecillas reddant*: Similiter *Riedlinus Lin. Med. An. 1. Mens. August. obs. 25. p. 259.* producit casum, quo confirmat, quod *adstringentia sæpe non adstringant*: quo loco casum profert, quo testari vult, quod *adstringentia album antea obstructam solverint*: Sic *Hartmannus in sua Praxi Chymiatrica*, ubi de *Mensum suppressione* tractat, ad illos *revocandos Martialia* varia remedia admodum extollit: & quamvis a quibusdam Martis virtus *aperitiva* admodum deprædicetur, tamen *Ettmullerus* recte de eodem judicat, *Mars semper per se adstringit* & terra magis *styptica adstrictoriam tantum habet virtutem*: *aperit vero mars tantum per accidens*, vid. illius *Colleg. Chymic. Lect. 34.* ubi de *Marte* agit: *perversus* itaque ille est adstringentium effectus, quando hæc evacuationes quasdam excitant & *augent*, si illas *minuere* & *coercere* debent, quando vires *enervant*, si easdem *reficere* debent, si partes *relaxant*, quando easdem *obfirmare* debent, quales *sinistri* effectus alias *principali* adstringentium virtuti *minus* respondent: denique vero non *in genere* hunc *perversum* usum & effectum adstringentium hoc themate notare placet, qui labor *amplior* & *diffusior* esset, sed tantum *Hemorragias* selegimus, in quibus remedia hæc alioquin *facile* & cum *multa spe* ac *promissione* ordinantur, quæ tamen non raro *alienam* in iisdem operationem exerunt.



§. II.

In generali hac disquisitione *Practica* significamus quod sinister usus & *perversus* effectus *Adstringentium* observetur in *Hæmorrhagiis*, præcipue *spontaneis*, largis licet, tamen in *relatione* ad subiecta non *superfluis* & absolute perniciosis, quando eadem de tali vegeto naturali *robore* pollent, quo præter reliquum *bonum* & avidum appetitum & *plenum* victum, in sanguificationis negotio distincte *operosa* existunt, unde etiam *facile* & *cito multam* sanguinis copiam colligunt & continent, quamobrem ob alias *concurrentes* causas in *liberales*, sufficientes & *largas* sanguinis profusiones inclinant: proinde in subiectis *junioribus*, *sensibilioribus*, aut ratione *temperamenti* in motus strenuos & præcipites valde *proclivibus*, nec non ex *hereditaria* dispositione aut *consuetudine* ad *coacervandum* & *evacuandum* sanguinem valde dispositis, aut cum *reperita* & alacri *Hæmorrhagia* cum eximia *euphoria* sublevatis, adstringentia remedia facile *sinistrum* effectum edunt: præterea idem contingit in subiectis imprimis *calidi* temperamenti, *moribus* strenuis, *impetuosis*, præcipitibus, variantibus, inconstantibus aut morosis, nec non frequentibus *animi pathematibus* præditis: multis *arduus* & *difficilibus animi* operationibus occupatis, in valde *laborioso* & *mobili* vitæ genere negotiosis, crebris animi & corporis *exæstuationibus* expositis, in *dieta* bona, *plena*, *pingui*, aromatica & *spirituosa* viventibus, multiplicibus *excessibus* in diæta deditis, præcipue *crapulæ* aliquando indulgentibus, indeque sanguinis commotiones *orgasticas* sæpius invitantibus & revocantibus: præter hæc circumstantias adstringentia facile in *Hæmorrhagiis inimica* evadunt,



dunt, quando tales Hæmorrhagiæ *periodicæ* existunt & unquam hac *stataria* invasione vel *salubres* fuere, vel ex ejusmodi *salutari* genio continuant, attamen in *proximo* progressu quoad nonnullas qualitates declinant & exorbitant, aut *vicario* actu ex *insolito* licet loco insolitoque *tempore* *prægressar* salutare & consuetas Hæmorrhagias *compensant*: quando porro erumpentes Hæmorrhagias mox in *initio* sui successus magni *orgasmi* sanguinis & fortes ac tenaces *congestiones* comitantur, quando *sanguis* talium subjectorum valde *tenuis* existit, quando talibus Hæmorrhagiis reliquæ *ordinariæ* excretiones immutatae & *sufflaminate* sunt, velut *peripherica*, per *stricturam* cutis, repressionem & congestionem sanguinis ad locum apertum, unde *horripilationes* extremitatum ortum trahere solent, vel si *albina* excretio retinetur, *urina* *parcius* secernitur & excernitur, adeoque motus *congestorius* præsentem Hæmorrhagiam *tenacius* urget & comitatur: quando insuper Hæmorrhagiæ quædam, alias *salutares* sanguinis evacuationes subsistentes, *vicario* modo ex *insolito* loco consequuntur, *difficilius* vero inde *erumpunt*, *parcius* fluunt, contumacius tamen & impetuosius sine *molimine eluctatorio* profequuntur, tunc accelerata & liberali manu propinata adstringentia eminent damnum causantur: si pariter in subjectis valde *plethoricis*, *carneosis* habitus Hæmorrhagiæ cum magno sanguinis *orgasmo* & forti *congestione* stipatæ procedunt, insuper etiam adstringentia mox in *primo* hujus profluvii accessu parca quantitate offeruntur, tunc eadem *interdum præsentem* Hæmorrhagiam magis *augent* & ad *excessum* disponunt, dum fibris motu *congestorio* jam qualificatis *magis robur* addunt, ac præsentem congestionem



nem *augent*, cui sanguis alias *commorus* facile obtemperat, ut majori copia effluat: si vero adstringentia *plenariam* fibrarum, maxime circa locum *excretionis constrictionem* causantur, tunc etiam præsentis Hæmorrhagiæ *plenariam* oppressionem sive *occlusionem* conciliant.

§. III.

Quod vero nunc *Hæmorrhagias*, in *speciali* indole observandas, attinet, tunc primo loco *Narium Hæmorrhagias* sub disquisitionem ducimus, quæ quando *modice* & *placide* succedunt, *nulla* tali coactione & *adstrictione* indigent: neque etiam illas in valde *plethoricis* subjectis, præcipue *calidi* temperamenti & diætæ *spirituosa* fruentibus, aut quando *impetuose* erumpunt, ex causis *sanguinem* valde commoventibus, imprimis *moralibus* & *patheticis* natis, magna & *forti* *congestione* præditis & *instruētis*, *subitanea* & liberali ordinatione conveniunt; tanto minus si *sponste* exoriuntur & antehac *salutares* effectus præstiterunt: quo etiam *plurimæ* illarum circumstantiarum pertinent, quæ in *generali* præmissa tractatione annotatæ sunt: neque oblivioni tradendæ sunt tales Hæmorrhagiæ *narium* in natu *provetioribus* aut *senectuti* proximioribus subjectis, in quibus *repente* propinata adstringentia *eminenter* *perversum* effectum edere solent, ita ut ex effectu, eventu & consecutione *malus* & *imperitus* illorum usus dijudicari, æstimari & agnosci queat; huc laudabili studio & prudenti observatione advertit *Excell. D. D. Stæblius* in *disp. allegata* §. 27. & 28. qui etiam §. 26. *metaschematismos morborum*, in hac observatione sedulo & sollicitè annotandos, commendat: quæ damna & affectuum specimina e *perverso* adstringentium usu in talibus



bus Hæmorrhagiis oriuntur, paucis indicabimus: ita *incongrue* cohibita talis Hæmorrhagia caufatur aliquando graves, pertinaces & ægre coercibiles *dolores capitis, opthalmiam, lippitudinem, visus obscurationem, catarrhos fixos capitis, Vertigines, spasmos insolitos, epilepsiam, ephemeram simplicem* aut plurium dierum, *polypos* narium, *pustulas & efflorescentias* faciei, *inflationes* narium, qualem casum *A.N.C. Dec. 2. an. 8. obs. 226.* allegant, qualis etiam *Dn. D. Præsidi* innotuit, ubi filiolo narium hæmorrhagia *præmature* cum adstringente cohibita fuit, unde mox *nasus rubicundo tumore & consequente Erysipellate* correptus fuit: proinde exempla constant, quomodo *Hæmorrhagia narium* cohibita *Apoplexiam* invitaverit; *conf. Hildanus Cent. 3. obs. 11. Wepferus & Schneiderus* ubi de causis & curatione *Apoplexiæ* agunt: hinc *Platerus de observat. propr.* (quem *Schenckius lib. 1. obs. 1. de apoplexia* allegat) dicit: *apoplexia etiam oritur, si suppressa sit aliqua sanguinis evacuatio, præc. si Hæmorrhoidum fluxio consueta cohibita* fuit: aliquando itaque sanguis *in cerebro* per tenerrima vascula rumpit & *extravasationem* subit, quandoque alium *insolitum* locum eruptionis invenit, qualem casum allegat *Camerarius in observat. propriis & Schenckius lib. 1. de naribus* sub tit *promiscua obs. 5.* cum inscriptione: *sanguis post restinctum fluxum narium ex oculis emanans*: ita constat *Dn. D. Præsidi* ubi Theologus *Hannoveranus* ex *Hæmorrhagia narium* cum adstringente *suppressa*, in subitanæam & incurabilem *cæcitatem* incidit: huc quadrant casus observatæ fatuitatis aut plane *delirii* a *suppressa* tali hæmorrhagia *vid. Gabelchoverus Curat. & observat. medic. Cent. 3. curat. 78. Hoechstetterus decad. 2.*



*cas. 9. commemorat suggillationem corporis ex narium Hæ-  
 morrhagia cum adstringentibus remediis suppressa, ortam:  
 quomodo suppressæ tales Hæmorrhagiæ ad phrenitidem,  
 anginam, peripneumoniam, affectus pleuriticos, Hæmopty-  
 sin ejusque molimina, asthmata, tusses siccas & valde in-  
 tricatas, tumores colli & capitis contribuunt, nec non ad  
 difficilem respirationem, rheumatismos, affectus arthriticos  
 &c. attentis practicis incognitum esse haud potest: &  
 quæ alia abscondita & intricata mala ex ejusmodi cohibi-  
 tione ortum ducant, in scrutiniis & obductionibus mor-  
 tuorum denique inclarescit: imo Gabelchoverus Cent. 5.  
 curat. 37. mortem ex cohibito sanguinis profluvio per naves  
 in Cephalalgia epidemica recenset: Morbillos narium Hæ-  
 morrhagiam suppressam secutos enarrat. Salmuth. Cent. 3.  
 obs. 31. Ex ejusmodi testimoniis facile liquet, quod ve-  
 ra sit Thoneri observatio lib. 4. obs. 4. p. 227. de sanguinis  
 effluxu inhibendo, quam periculosum, ubi de alia specie  
 hæmorrhagiæ e capite procedentis ita profitetur, etsi ex  
 observationibus Medicorum constet, si natura molita sangui-  
 nis excretionem per gingivas, eo represso, ad vias urinarias  
 se converterit: &c. unde liquet, quomodo adstringentia  
 naturam in libera & ordinata sua operatione turbent &  
 varios connexos perverfos effectus exferant; quos peri-  
 tus Medicus vitare potest & debet, si cautum adstrin-  
 gentium usum observat. Nec desunt etiam exempla,  
 quibus probari potest, quod adstringentia oblata, sub  
 præsentè fortiori congestione & sanguinis majori orgas-  
 mo, non modo abdominis viscera firmitus occludendo, sed  
 & eo ipso sanguinis largiorem affluentiam ad caput augendo  
 &*



& confirmando, narium Hæmorrhagias *exacerbaverint* & in ominosiore *excessum* deturbaverint.

§. IV.

In *Hæmoptysi*, quem *perversum* sæpe usum adstringentia proferant, multa *exempla* & peritorum *medicorum* suffragia comprobant: etenim quando in hac specie Hæmorrhagiæ *confestim* talia remedia, præcipue *potentia*, aut *copiosa* & *frequenti* continuatione propinantur, vel *subitanæam* aliquando *suffocationem* causantur, dum in pulmonum cellulas *copiosius* effusus & extravasatus sanguis, nec antorsum, neque retrorsum progredi, adeoque *expectorari* haud potest; unde *obruuntur* pulmones, *maiores* bronchiorum canales *occluduntur*, aërisque accessus intercipitur, sicque *suffocatio* excitatur: nonnunquam talia remedia sanguinis excretionem quidem *cohibent*, sed gravem affectum *astmaticum*, semi suffocativum excitant & morbum valde *angustantem* provocant: aliquando gravem & lethalem *peripneumoniam* causantur, hinc *Ettmüllerus*, ubi *de Hæmoptysi* in Praxi tractat: dicit: *interna adstringentia ante & sine avertentium administratione, non facile usurpanda, ne sanguinis inconcinnam suppressionem suffocatio aut peripneumonia excipiat:* quidquod *Sebenckius lib. 2. sub. tit. hæmoptysi mortui obs.* cui inscriptio *adstringentium intemptivo usu hæmoptoicus* moritur, testatur, quam *perniciosus* horum remediorum usus fuerit in hac Hæmorrhagia; porro hæc remedia ad *Febrilium* motuum *complicationem* cum Hæmoptysi disponunt; nam quando effluxus sanguinis *repente* *suprimitur*, a *tergo* vero in pulmonum *substantia* sanguis *strenue* & *affatim* affluit, tunc facile periculosa *stagnatio* & *stasis*



*sis* sanguinis in pulmonum *cellulosa & membranosa* sub-  
 stantia & textura oritur, cui aliquando *inflammatio* cum  
*febre*, aliquando *sola febris* supervenit: præterea hæc re-  
 media quemlibet hæmoptyseos gradum in certam & ac-  
 celeratam phthisin disponunt: id quod peculiari observa-  
 tione notat *Celeb. Stablius disp. cit. §. 29.* siquidem hæc re-  
 media *præmature* fluxum sanguinis *opprimunt*, adeoque  
 efficiunt, ut *occlusa* magna sanguinis extravasati copia cito  
 in *corruptionem* ruat & pulmonum *substantiam* afficiat:  
 nec non ab hoc *incongruo* adstringentium usu evenit, ut  
 pulmones *indurentur*, tusses & *asthmata sicca* conse-  
 quantur, *polyposæ* concretiones in *pulmonibus & corde* o-  
 riantur, quæ reliquum affectus *successum* tanto certius  
*incurabilem* reddunt, aut id efficiunt, ut citius Hæmo-  
 ptyfi *tabes & hectica* cum reliquarum *ordinariorum* eva-  
 cuationum perturbatione aut obstructione accidat, hoc-  
 que modo vitæ finem acceleret: quid quod constant ca-  
 sus in praxi medica, ubi *subito* cum *adstringente suppressa*  
 Hæmoptysis immutata fuerit in gravem *vertiginem & a-*  
*poplexiam* ex repentina regurgitatione & *congestionem* san-  
 guinis *intra caput* transeunte & impetuofam ac pertina-  
 cem excretionem *vicariam* sanguinis e capite urgente,  
 quæ vero in tales fonticas progressus sanguinis per cere-  
 brum *sufflaminationes & stagnationes*, aut *perruptiones*  
 & *extravasationes* lethales *intra cerebrum*, degenerat:  
 huc referri merentur *specialissimi perversi* adstringentium  
 effectus in hæmoptysi, velut per intervalla corripientes,  
*strangulationes* faucium, vehementes *palpitationes cordis*,  
*raucedines* continuæ, *orthopnæa* & distincta *dyspnæa* cum  
 mirabili *complicatione* aliorum pathematum *pectus affli-*  
 gen-



gentium, frequentes *liposbymici* infultus, *spasmi* & *convulsiones*, *dolores* sensibiles, attamen absconditi, *pectus* afficientes, *concurfus adematosi*, *hydrops*, *pectoris* & *pericardii*, *concretio pulmonum* cum *pleura* & adhuc alii, ejusdem *intrecata* qualitatis, affectus, quos *adstringentia* *facilius* excitant, quando *imperite* in *Hæmoptysi* adhibita fuere: imprimis vero hæc remedia in hac etiam afflictione excretiones *admodum* necessarias cum magno damno *perturbant*, sicut illi, qui antehac *facilem* aut *lubricam alvum*, liberam & promptam *diaphoresin*, sufficientem & æqualem *diuresin* experti fuerant, nunc varias *difficultates* in harum excretionum *successu* subeunt, ut ne quidem remediis, illarum excretionum *promotionem* concernentibus, *otaxia* tales facile obtemperant; unde *consectaria* prægressæ hæmoptyses eo magis *intricata* redduntur, siquidem alias hæc *adstringentia* in *Hæmoptyses* cura facile ad *corruptorum* morborum geneses contribuunt: quæ observationes practicæ perinde necessarias *cautelâs* subministrant, quo in *periculosa* tali Hæmorrhagiarum specie remedia præsentis disquisitionis *admodum provide* & judiciose adhibeantur; siquidem illa denique etiam hunc *perversum* effectum exserunt, ut loco *securæ* & *fundamentalis* curationis Hæmoptysin *mitiorem*, quam *subiro* cohibuere, ita disponant, ut brevi intervallo *magno* iterum & ut plurimum *lethifero* impetu irruat & *singularem* salutarum deteriorationis, quam attenti observatores in *perverso* *adstringentium* usu & effectu inquirunt & inveniunt, exhibeat.

§. V.

Nunc in ordine de *Vomitu Cruento* quædam annotabi-

C



tabimus: hic teste experientia & referente *Illustr. Dn. D. Stablio l.c. §. 30. facta jam norabili excussione, inter hujus generis fluxus fere patientius adhuc fert adstrictionem*: at tamen quod hæc adstringentia in hoc affectu aliquoties *sinistre* adhibeantur & operentur, perinde *testimonia* practica profant: quid enim utilitatis expectari debeat a *precipiri* hujus vomitus obstructione, quando adhuc in *primo* suo *impetuoso* accessu & effluxu est, dum affluxus & *congestio* ad ventriculum *fortiter* insistit, quando *rota* *mas-*  
*sa* sanguinis in magno *orgasmo*, *alvus* etiam valide occlusa, periphæria valde constricta, adeoque sanguis *ex hac* in *interiorem* corporis regionem *copiosius* repressus, *motus* insuper excretorius valde *exacerbatus* & immoderatus, causæ, quæ hunc vomitum *proximius* provocarunt *potentioris* efficaciam fuere, facile *judiciosus* medicus agnoscere poterit; siquidem sub *talibus* circumstantiis adhibita adstringentia communiter *sinistram* effectum offerunt: inde enim oriuntur *eximie angustationes* & *suffocativæ* *cardialgiæ*, transitus *congestionum* intra *pectus* cum molimini-  
*bus hæmorrhagicis*, aut intra *caput* cum intricatis molestiis *cephalalgicis*, *hemigranicis*, *verriginosis*, *apoplectodeis*, anxietates præcordiales cum vehementi *palpitatione* cordis, *hypochondriorum* gravissimi dolores & *acutissimo* sensu stiptatæ *inflationes hepatis* & splenis, *spasmi semi convulsivi*, cum metu suffocationis in *diaphragmate*, acerbissimæ constrictiones *colicæ* & in *mesenterio*, atrocissimi & corrupti affectus spastici *hypochondriaci*, morficantes *ventriculi* dolores, *vani conatus vomibundi*, cum multa *angustia* juncti, *singultus* periculosi, lethales *inflammationes* & *convulsiones* ventriculi, aliquando plane subitanea  
*mors*



*mors*, talem perversam Vomitus cruenti adstrictionem & suppressionem excipiunt, qualis casus allegatur in *A. N. C. dec. 1. an. 3. obs. 24.* interdum ejusmodi adstrictionem sequitur *dejectio alvina cruoris nigricantis & fere picei, conf. A. N. C. dec. 1. an. 10. obs. 20. & Excell. Dn. D. Stablii disp. de Motu Sanguinis a viis & crasi non pendentibus viis &c.* sic *Schenckius lib. 3. de sangv. vomitu obs. 6. fol. 329.* commemorat casum sub titulo: *Vomitu sanguineo annuam detenta matrona, præf. tempore Mensum, valde adstringentibus usa, arthritidem & gravem Cephalalgiam incurrit:* præter hæc consequuntur aliquando *sinistrum adstringentium usum, in Vomitu cruento ulcera aut sphacelus ventriculi, concrementa in ventriculo carnosofungosa, induratio splenis & hepatis, inflammationes in hisce visceribus, ulcerationes, hæctica, hydrops, icterus cum hæctica conjunctus, præc. niger, œdematosi pedum tumores, tympanites, contractura, constans virium & appetitus prostratio, dolores in sinistro hypochondrio perennantes, varique alia pathemata: singula hæc afflictionum morbosarum specimina nituntur præcipue valde impedito & turbato progressu sanguinis per Venæ Portæ propagines & cum eadem, per connexa viscera, in quibus facile stagnationes & stases humorum & consentientes aliæ vel in bonum, vel in *sinistrum* & malum abeuntes effectum, oriuntur, qui *posteriores* vero usitatiores esse solent; & quemadmodum aliàs *impeditum* progressum sanguinis in *Vena Portæ* graves spasmi comitari solent, (id quod *Excell. D. D. Stablii in disp. de Vena Portæ, porta malorum, de Motu tonica vitali & in multis aliis locis, velut ad oculum, demonstravit*) ita ejusmodi *consequentes* affectus *ejusdem* profapiæ esse solent,*



solent, dum per *adstringentia* provocati sunt, quæ remedia alias fibrarum motricium *structuram* augere solent: ast quoniam *adstringentia* interdum *Hæmorrhagias* provocare & exacerbare solent, ita hujus observationis testem produco *Riedlinum*, qui in *Lin. Med. An. 6. Mens. Julio obs. 10. p. 764.* casum allegat, quod *acetum* (quod vi sua *adstringente* satis cognitum est) sub *Mensium fluxu* largius haustum, hujus *retentionem* & *Vomitum* cruenti subitaneam eruptionem & invasionem excitaverit: de qua observatione author ita sub finem judicat: *Studiose vitanda esse tempore Mensium ea, quæ motum eorundem retardare, aut inhibere quovis modo possunt hæc linea sat confirmat; sanguis enim ille in motu constitutus, si præsertim sit subtilior & via consueta eidem intercludantur, retrocedens turbas movet & ubivis exitum quærit, quem hic in ventriculo invenit, in aliisque per minus adhuc consueta loca invenisse hystoriæ medicorum testantur.*

§. VI.

Quæ damna *adstringentia* sub *Mensium fluxu* aut legitimo, aut largo & excedente incongrue adhibita pariant, omnibus peritis Medicis abunde constat, ita ut hæc observatio *peculiarem* disquisitionem mereatur, quam tamen in compendio annotabimus: haud vero quisquam sub legitimo *Mensium* successu talia adhibebit remedia, nisi sub *dieta* cum *adstringente* subjecto committatur, aut sub alio morbo, quo durante, *Menses* sua *periodo* fluere solent, hæc medicamenta *priori* affectui opponantur, quæ vero hunc *Mensium fluxum* offendunt & turbant, v.g. quando ad fugandam *febrem*, ad coereendam *dysenteriam*, *diarream* *adstringentia* propinantur, quæ  
*fluen-*



*fluentes nunc* Menfes cohibent, tunc facile *fontica* inde par-  
themata provenire folent, quæ *gravitate & accelerata* in-  
vafione difcrepant, fecundum *subjectorum* aliarumque cir-  
cumftantiarum conditiones & diverfitates: hinc hiftoria  
practica teftatur, quod *repentina* Menfium *ſuppreſſio* ſu-  
bitaneos *periculoſos*, imo aliquando *lethales* affectus pro-  
vocaverit: aliquando vero talem ſuppreſſionem *lentius*  
ingruentes & *diutius* inſiſtentes affectus excipiunt, quales  
obſervatores, ubi *Menſium ſuppreſſionem* pro themate &  
titulo habent, ferme innumeros allegare ſolent: *repentinam*  
talem retentionem conſequuntur *cardialgiæ ſuffocativæ*,  
*convulſiones* lethales, *inflammationes* uteri & intefino-  
rum, aut aliorum etiam viſcerum, *febres acutæ*, cum *delti-*  
*riis*, aliquando plane phreniticis, conjunctæ, ſubitanæ  
*aſthmaticæ ſuffocativæ ſpaſticæ* afflictiones, impetuoſæ &  
pertinaces *congeſtiones caput, pectus*, aut *hypochondria* oc-  
cupantes, enormes & excedentes profuſiones ſanguinis  
ex *inſolitis* viis, *apoplexiæ* plane *lethales*, *cardialgiæ ſynco-*  
*pricæ*, aut cum anxio *vomibundo* conatu conjunctæ; nu-  
merum talium affectuum horrendorum & periculoſorum  
augent, *epilepſiæ* aut *aliæ* mirabiles *convulſionum* ſpecies,  
quæ nonnunquam incantamenti adſcribi ſolent, quarum  
*D. D. Præſes* mentionem fecit in *diſp. de Menſium anom-*  
*aliis convulſivis*: Proinde vero *adſtricti* & ſuppreſſi Men-  
fes invitant alias *vicarias*, ex *inſolitis* viis procedentes, *ſan-*  
*guineas fluxiones*, velut *Hæmorrhagiam narium*, *Hæmo-*  
*pyſin*, *Vomitum cruentum*, *Hæmorrhoides*, aut *molimina*;  
has Hæmorrhagias reſpicientia, videlicet *acutas Cepha-*  
*lalgias cum ſpaſticis* motibus ſtipatas, *Rheumatismos* acu-  
tos, *eryſipelaceas* capitis inflammationes cum *Febre* con-  
jun-



*junctas, ominosas vertiginosas perturbaciones, spasmos in collo affligentes, odontalgias atrocissimas, asthmata variae speciei, maxime ficca & spastica, anginodeas commotiones, aut plane cynanchicas, vehementes & frequentes palpitationes cordis, polypos cordis, spurias & veras pleuritico-peripneumoniacas afflictiones, strangulatorio-suffocativas comminationes, spasticas arthritico-rheumaticas commotiones, contracturas, splenis & hepatis infarctus, passionem hysterica, colicam simplicem & convulsivam, varios Mesenterii morbos multiplices anomalias hæmorrhoidales, fluorem album cum multis spasmis ac doloribus stipatum, Epilepsiam hysterica, affectus cachecticos, chloroticos, Tympaniten, Leucoplegmatiam, anasarcam, tabem, ulcera in & externa, hæcticam, præcipue obstructiones alvi, glandularum mesentericarum & reliquarum primarum viarum, sterilitatem, tumores & ulcerationes uteri & connexarum genitalium muliebrium, in certis subjectis affectus nephriticos, podagricos, arthritico-rheumatico-podagricos, œdematosos tumores, intricatam & pertinacem dyscrasiam humorum, quæ non nisi fluxus menstrui rempessiva revocatione aliquo modo corrigi potest; ex hætenus vero commemoratis facile liquet quanta morbosarum afflictionum congeries concatenata sit, quæ, sicut a qualibet Mensium oppressione facile oritur, ita eo vehementius & contumacius illæ invadunt, quando per adstringentia & remedia Mensium fluxus incongrue cohibitus fuit; qui eminentes sinistri effectus in praxi medica memori mente observandi sunt: de quibus etiam notamus, quod hætenus memorati consequentes morbi communiter corruptorum morborum classi annumerari debeant, adeoque ægre mitiga-*

tiga.



figari, nedum quidem constanti, aut certa promissione integre curari queant.

§. VII.

Dum uteri purgamina sanguinea aliquo modo observamus, ita in hoc ordine & nexu Lochiorum mentionem facimus, quæ perinde ex incongruo Adstringentium usu magna, frequentia & evidentia detrimenta sustinent; *repentinam* talem Lochiorum adstrictionem excipiunt *inflammationes* uteri, *febris* inflammatoria, periculosissimum uteri *erysipelas*, quod tam atro carbone notat Hippocrates, *Convulsiones* uteri, *Colicæ* convulsivæ, *hystericæ* passionis convulsivæ & *strangulatoriæ*, *gangræna* & *sphacelatio* uteri, *cardialgiæ* suffocativæ & *syncopticæ*, *vomitus* pertinacissimi, *phrenitis*, *apoplectici* insultus, *asthma spasticum*, *Febres acutæ*, *purpura* febrilis periculosissima, *molimina hæmoptica*, aut *actualis hæmoptysis*, *deliria*, *indurationes splenis & hepatis*, *uteri scirrhus & cancer*, aut aliquando *hydrops uteri*, aut *concrementa* uterum molestantia, *tympanitis*, *Ascites*, *phræsis*, *hectica*, diversi morbi *corrupti*, ad *spasmodum* prosapiam spectantes, *contracturæ*, *paralytes*, *spasmi fixi*, *passio iliaca*, *perstinacissima alvi obstructio*, *asthmata* etiam *secca* valde refractaria, *acutissimi capitis dolores*, *sterilitas*, *fluor albus* acris & *perstinax*, *ulcera partium genitalium*, *œdematosi tumores*, cum *rheumatismis* & *erysipelaceis* commotionibus conjuncti, *aliarum ordinariorum* excretionum *eximie perturbaciones*; & inde etiam propullulantes affectus morborum, *repentinæ*, *perstinaces* & *periculosæ congestiones ventriculorum*, *hypochondria*, *pectus* & *caput* corripientes & in aptis subjectis, *sub certis circumstantiis* in *perfectas inflammationes* abeuntes,

tes,



tes, contumacissima & pertinacissima pathemata *hysterica*, mirabiles & borrendi motus convulsivi, cum gravi rationis corruptione & perturbatione conjuncti, *peculiares* absconditi abdominis & uteri tumores, quale exemplum allegat *Riedlinus Lin. Med. An. 6. Mens. Aug. obs. 10. p. 890. seq.* qui etiam illam observationem suo testimonio confirmat, quod si non *confestim* Lochiorum oppressionem *morbosa* pathemata sequantur, tamen *post* aliquot annos ejusmodi damna ab eadem causa proveniant: ob id quaedam *fæminæ* afflictæ *miseri* morbo *chronici* sui status *prægressum* quoddam *puerperium* significare sciunt: aliquando ab ejusmodi Adstringentium usu originem trahunt *Molæ* & prægrandia *concrementa* in uteri cavitate: Simile quid judicandum est de *Hæmorrhagiis uterinis*, *Mensium plenariam* cessationem consequentibus, quæ quando *præmature*, aut *incongrue* cum *adstringente* remedio *obstructæ* fuere, plurimos prædictorum affectuum post se trahunt, præcipue *convulsiva hysterica* pathemata, *asthma* & *catarrhum suffocativum*, *œdematosos* tumores, *ascitem*, *tympanitem*, *colicam convulsivam*, *hecticam* & *ulcera uteri*: quo loco reminiscitur *D. D. Præses* alicujus casus practici, qui ante plures annos sub ejus directione medica fuit, ubi *fæmina* honesta post quinquagesimum ætatis annum aliquoties ominosam & molestanti uteri *Hæmorrhagiam* perpeffâ fuerat, a qua sub consiliis *D. D. Præsidis* ipsâ sine mala consecutione liberata fuit; quæ vero, quia quoad *diatam* & *animi* moderationem salutaribus consiliis minus obtemperavit, novos ejusdem *Hæmorrhagiæ* insultus invitavit, quorum unum ipsâ proprio ausu adstringente remedio cohibuit; & licet antea tale tentamen a *D. D. Præsidi* interdictum fuerit, sub præfagio metuendi *asciti-*



ascitici affectus, tamen post adstringentis clanculum adhibiti usum, illa femina intra quinque septimanarum spatium Hydrope ascite expiravit: Quando porro in hoc nexu in memoriam vocamus *Hæmorrhagias*, quæ *abortus* comitari solent; tunc illarum *infelicem* tractationem cum *adstringentibus* judiciosè annotavit & taxavit, *Celeb. D. D. Stablii l. c. §. 33. nec non in disp. de Abortu & fetu mortuo*: temerariæ enim harum *Hæmorrhagiarum* adstrictiones, non modo reliqui salubris *Menstrui* processus gravissimam *perurbationem*, imminutionem & suppressionem, sed & prædictos *acutos uteri inflammatorios* affectus invitant, nec non acerbissima pathemata *hysterica*, *cardialgico-strangulatorio-suffocativa*, *convulsiones hystericas*, *molarum geneses*, morbos *corruptos*, *cachectico-hectico-spalticos*, *Hydropem & statulentam* extensionem uteri, *ulcera uterina*, *consuetudinem abortiendi*, cum consequente *Hæctica*, *nova molimina Hæmorrhagica* in *utero* cum pertinacissimis *spasmis & congestionibus* stipata, *actualia* enormia repullulantia profluvia *cruenta* uterina anomala, *cardialgias*, velut per *paroxysmos* vehementer angentes & cum *liporhymis* conjunctas, perpetuam *sterilitatem*, aliarum *salutarium* excretionum graves confusiones, præcipue *retentiones*, *spasmus in- & externum* corpus affligens, causantur: interdum etiam *adstringentia* remedia *mitiores* tales *Hæmorrhagias* in *excedentem & prodigum* statum conjiciunt, cujus ultimæ observationis aliquot exempla & specimina commemorare possemus, si ratio instituti & temporis concederet, interim illius veritas in factis attentis medicis incognita esse haud potest.



§. VIII.

In ferie Hæmorrhagiarum nunc succincta disquisitione *Hæmorrhoides* annotationem merentur, quæ vel in primo *accessu*, vel in proximis *moliminibus*, vel in plenario *successu* ab *Adstringentium* remediorum usu *facile & valde* affici & alterari possunt; quæ observatio hujus Hæmorrhagiæ *distinctam* sensibilitatem manifeste comprobabat; quemadmodum *mirioris* efficaciam adstringentia in hoc processu *hæmorrhoidali* magnam operationem præstant: quamobrem generali quodam monito valde raram, refractam & circumspectam illorum ordinationem commendamus: etenim vel *unica adstrictorii* effectus medicina, ejusque *unicus* usus, aut *in-* aut *externus*, totam *salutarem* hujus fluxus destinationem invertere & *corrumpere*, quid quod valde *perniciosos* consequentes effectus provocare potest, imo proh dolor, sæpe fœvuit, qui *alia* methodo haud *emendari* & corrigi potuerant: Et meretur sane judiciosam observationem, quod infelix & *incongruus* usus adstringentium in *primo* accessu motuum hæmorrhoidali, intricatos, corruptos, refractarios & complicatos morbos accersere queat, quos illi, quibus *Hæmorrhoidum* negotium & *adstringentium* relatio ad illud haud condigne cognitum est, haud a *tali prosapia* derivare sciunt & volunt; unde sæpe *saltus* ad *alias* causas formatur & curatio *ex alio* fundamento instituta minus prosperis successibus gaudet: attamen *sinister* usus adstringentium in *Hæmorrhoidali* negotio, multiplices *sinistros* habet effectus: haud quidem nobis in præsentiarum de tali *crasso* iudicio, aut rectius crudo *præjudicio* sermo est, quod Hæmorrhoides *promiscue*, utpote nude *præternaturales* &  
*absolu-*



*absolute* infalubres sanguinis profusiones *coercendæ* sint, sed illam tantum sollicitudinem intelligimus, qua aut *largior*, aut plane *excedens*, aut cum *doloribus* stipata hæmorrhoidalis commotio & fluxio *subito* adstringentibus profligatur, unde lerna & *caterva* malorum evolat & propululat; ad hunc censum pertinent, *inflammationes* & *ulcerationes* in locis hæmorrhoidalibus, ut & seorsim *fistulæ*, *colica* hæmorrhoidales, *gangræna* & *sphacelus* intestinorum, atrocissima pathemata *hypochondriaca*, *splenetica*, *hepatica*, *nephritica*, *cardialgica*, *vomibunda*, *podagrica*, *arthritis* *colico-podagrica*, *miætus cruentus*, *dysuria*, *asthmata sicca* & *spastica*, *catarrhus suffocativus*, *polypi* & *palpitatio cordis*, varia *concrementa*, tam in *confiniis* locorum hæmorrhoidalium, quam in reliquis *externis* regionibus corporis, molimina ad *vomitam cruentam*, aliquando ad *Hæmoprysin* tendentia, *vertiginosa* perturbationes, *apoplectica* comminationes, aut *actuales* invasiones, *indurationes* viscerum, impr. splenis & hepatis, *icterus*, *œdemata*, *cachexia*, *hydrops*, *hectica*, gravis *oppressio pectoris*, partium *genitalium* multiplex offensio, transitus congestionis ad *ventriculum*, indeque orientes diversæ *ventriculi* afflictiones, præcipue *angustiæ* post pastum, frequentes *anxii* urgentes conatus *vomibundi*, *concoctionis* perturbatio, *vomitus cruentus*, *melancholia hypochondriaca*, *mania*, pertinax *obstructio alvi*, indeque proveniens *ileus morbus*; quales numerosos consequentes affectus fufius *D. D. Præses* commemoravit in *dispp. de Hæmorrhoidum anomalis*, *de Hæmorrhoidibus suppressis*, *de Hæmorrhoidibus symptomaticis*: imo *tanta* adstringentium vis est in Hæmorrhoidali negotio adhibitorum, ut effectus *sinistri* inde provenientes



tes *haud facile emendari* queant: quid quod accidit etiam interdum, ut in *excessivo* fluxu hæmorrhoidali, ubi sanguis *subtilior*, congestio *fortior & pertinacior* est, adhibita *adstringentia* fluxum præsentem *augeant*, excessum *confirment* ac *lethalem* effectum & eventum accelerent & promoveant; unde interdum in tali casu & medici & alii homines conqueruntur, quod nulla medicina, aut nullum medicamentum amplius operationem suam exserere poterit, man habe wohl merken können, daß es mit diesem Zufall zum Todt gehen werde, weil nichts mehr anschlagten wösten, und die gebrauchten Arzeneyen lauter contraire Wirkungen gehabt.

§. IX.

Et quamvis *Mictus cruentus* etiam *circumspectum* Adstringentium usum perferat, tamen *incongrue*, præmature, *liberaliter & diutius* adhibita talia remedia, multos & graves *sinistros* effectus provocant, quos hoc ordine brevibus annotabimus: quæ pathemata *suppressio Mictus Cruenti* causetur, ex parte annotavit *Claudinus in Consult. & Respons. Cons. 141. fol. 248.* Sicut itaque cruenta Mictio aliquando ex Hæmorrhoidibus *suppressis* oritur, ita illius Mictus *suppressio vehementi* impetu in loca *hæmorrhoidalia* ruit, unde *colicæ hæmorrhoidales* pertinacissimæ, *inflammationes* periculosæ locorum *hæmorrhoidali-um*, affectus *nephritici, ischiadici, gonagrivi, podagrivi, dysuria & ischuria* pertinax & valde molesta, *ulcera vesicæ urinariæ* cum intensissimis doloribus conjuncta, *œdemata pedum, cachexia, ascites*, consequuntur: nonnunquam, attamen rarius, *molimina hæmoptica* superveniunt, sicut *concursum mictionis cruentæ & sputi cruenti* annotavit *Angel.*



gel. *Victorius Consulz. Medic. 67. p. 217. vid. Bresl. Gesch.*  
 18. *Veef. p. 622. de Mictione cruenta cum Hæmoptysi alter-*  
*nante; quo pertinet concursus hujus mictus cum cruen-*  
*ratione gingivarum, vid. Hæchstetterus decad. 1. cas. 2. Hol-*  
*lerius de morb. int. lib. 1. c. 51. allegat casum, de quodam*  
*sanguinem per urinam, alvum & vomitum emittente: quibus*  
*observationibus id significare & demonstrare volumus,*  
*quod suppressio mictus cruenti similes partes & regiones*  
*variis morbofis afflictionibus submittere queat soleatque:*  
*ita Acta Berolin. reminiscuntur metastaseos mictus cruenti*  
*ad caput decad. 2. Vol. 2. p. 23. conf. disp. D. D. Præsidis de*  
*Mictu cruento: nonnunquam suppressionem mictus cru-*  
*enti excipit affectus paralyticus, hemiplecticus, apoplecticus,*  
*hecticus, marasmus senilis, asthma siccum, catarrhus suffo-*  
*cativus, impotentia virilis, frequentes colicæ nephriticæ,*  
*aliæ anomaliæ hæmorrhoidales, ominosa virium prostratio,*  
*singularum functionum animalium, moralium & naturali-*  
*um perturbatio & nonnunquam enervatio, stupor mem-*  
*brorum paralytoideus, aridura & contractura partium,*  
*conf. Illustr. Dn. D. Stablius l. c. §. 35. Proinde in experi-*  
*entia medica exempla desunt, ubi mictio sanguinea adstrin-*  
*gentibus non cessit vid. Riedlini Lin. Med. An. 6. Mens. Aug.*  
*obs. 3. p. 862. Neque etiam Gingivarum cruentationes pro-*  
*miscuam suppressionem & adstringentium ordinationem*  
*admittunt, præcipue quando illæ cum aliis Hæmorrhæ-*  
*giis consentiunt, velut cum cessantibus narium Hæmor-*  
*rbagiis, aut Mensuum suppressionibus & retentionibus &c.*  
*aut quando illæ periodicæ existunt, quales Schenckius lib.*  
*1. de gingivis. obs. 2. allegat, vel si magna congestione sti-*  
*patae sunt, ut sanguis ex reliquo corpore ad gingivas lar-*  
gius



gius advehatur, vel si ipsa cruentatio primo suo successu imperuosa est & subinde cum magno sanguinis orgasmo & animi angore sustentatur, ubi communiter affluxus sanguinis ad locum affectum copiosior esse solet: quando etiam talis cruentatio post valde dolorificam dentis extractionem obtigit, quam pertinaces humorum affluxus, in tales hæmorrhagias, aut tumores, aut inflammationes interdum abeuntes, sequuntur; quando in subjectis admodum plethoricis & in liberales, largas & solutares Hæmorrhagias pronis occurrunt &c. in quibus & adhuc aliis circumstantiis adstringentia, confestim adhibita, sinistras operationes exhibent & inflammationes in faucibus, collo, aut reliquo capite, Hemicranias, phrenitides, acutas cephalalgias, vertiginosas perturbationes, inflammationes pectoris, hæmoptica molimina, aut consequentes perfectas Hæmoptyses, aut transitus in pristina loca Hæmorrhagica, affectus spasticos aut plane convulsivos caufantur; siquidem ex experientia medica constat, quomodo gingivarum affectus cum Mensibus cohæreant: vid. Schenckius de Mensibus ex gingivis lib. 4. sub tit. *Menses e loco alieno fluentes obs. 3.* ubi casus ex Ronssæo allegatur, *conf. Rhod. Cent. 3. obs. 51. Zac. Lusit. Prax. admir. Lib. 1. obs. 19. Schneiderus de Catarrh. lib. 3. c. 8. p. 278. conf. A. E. L. An. 1727. Mens. Sept. p. 402. de ulcere gingivarum ex Hæmorrhoidibus consolidatis: Dantur vero vicissim casus, qui probant, quod cruentationes gingivarum nullis (adeoque etiam adstringentibus) cederent medicamentis, unde æger e medio sublatus fuit, *conf. Schenckius l. c. obs. 3. ex Hollerii observatione Com. 2. ad aphor. 18. § lib. 2. sect. 2. Coac Hipp. 1108. quibus annotationibus adhuc addimus historiam ex A. N. C. Dec. 1. an. 3. obs. 316. de Hæmorrhagia**



*rhagia post evulsum dentem & morte post subito repressantalem Hæmorrhagiam: quæ singulæ observationes se invicem illustrant & nostram tractationem confirmare adjuvant.*

§. X.

Præter hæcenus propositas observationes placet paucis adhuc reminisci sinistri usus & effectus adstringentium in *Hæmorrhagiis Vulnerum*: etenim si vulnera aut *simplicia*, aut *vasorum* sanguiferorum sanguinem fundunt, insuperque subjecta eminenter *plerhorica*, proinde *sensibilia*, in *commotiones & evacuationes* sanguinis *prona*, fortioribus animi *parbeticis* commotionibus *iracundis*, *terrificis*, *libidinosis* immodicis *desideriis* occupatis &c. obnoxia, *diætæ plenæ*, lautæ, spirituosæ adsueta, variis & frequentibus *exæsuationibus* sanguinis exposita, iteratæ *ebrietati* dedita sunt, si plurimi horum respectuum *proximus* ad illatam læsionem applicari possunt, si sub vulneratione præsentia *ebrietatis*, magna *commotio animi*, gravis *exæsuatio* corporis &c. concurrunt, tunc haud securum & salubre est, ut *citius* adstringentia adhibeantur, quæ *repentina repressio* sanguinis graves & *perniciosas* alterationes causantur, dum *inflammationes* præcipites, impetuosas & pertinaces, *febres vulnerarias*, *Spasmos* vehementes, *convulsiones*, periculosos *tumores* affectarum partium, cum *doloribus* conjunctos, *congestiones & molimina hæmorrhagica*, alia loca aliasque regiones invadentia, pro ratione circumstantiarum *deliria*, *phrenitides*, affectus *soporosos*, *apoplecticos*, *paralyticos*, *synopticos* insultus, subitanæam *putredinem*, ægerrimam partis mundificationem, *dolores ardentis & spasticos* proxime circa affectam



Etiam partem *obstructiones alvi & urinae*, graves perturbationes progressus sanguinis, præcipites *translationes* sanguinis in alia & *nobiliora* ac *sensibilia* loca, eximia totius curæ *impedimenta*, quæ ægrius *optimis* medicationibus obtemperant, *inversiones* vulnerum in suspectos *tumores*, ominosas *synovias*, aut refractarias *ulcerationes* causantur: hinc periti & circumspecti medici & chirurgi solliciti monent, ne in *capitis* & partium *largius* sanguiferarum vulneribus *Hæmorrhagia confestim* coerceatur, quoniam talem suppressionem, sub prædictis circumstantiis præstitam, modo indicata & adhuc alia pathemata sequuntur: hinc *Benedictus de curandis morbis lib. 1. c. 47.* & ex hoc *Schenckius lib. 1. de vuln. capit. obs. 2.* dicunt: *quod in vulneribus capitis aliarumque partium curandis nonnunquam largiori sanguinis profusio ad convulsiones declinandas indulgendum*: quo referimus *Paræi* verba in *chirurg. Lib. X. cap. 20*: dum dicit (ubi de tractatione sagittæ in os *fixæ* sermonem habet) *sanguis exprimendus ejusque liberior effluxus pro virium tamen & partis conditione permittendus, sic enim pars ipsa, plethora & cacochymia levabitur, minusque inflammatione, putredine, & aliis, quæ in metu sunt, symptomatibus, tenetabitur*: cum quibus observationibus *Paracelsi* annotatio sub congrua limitatione & interpretatione concilianda erit, quando de *Hæmorrhagiis* vulnerum in *sua chirurgia* judicat, quod illæ *permittendæ* sint, usque ad *statum*, videlicet subiecto, læsioni & circumstantiis *congruum*: & quamvis non semper juxta illius monitum in *repentinis* præsertim *Hæmorrhagiis* ubi *periculum in mora* est, *tandiu* cum sistentium usu *cunctandum* sit, donec illius *causa* remota fuit, sicut *Hildanus*







œconomia invigilantem, sed & quoad *humorum* motum, & connexarum partium *solidarum organicarum* statum & usum; etenim in *tota rerum natura* manifestum est, quod *subitaneæ* mutationes gravissimas *alterationes* causentur: quando enim operatio quædam in suo *tenaci & impetuoso* successu *simul & semel* cohibetur, tanta in *causa* operante contingit *confusio & consternatio*, ut *perverrissima* consequantur actiones, quarum decursus & exitus ut plurimum *perniciosus*, imo sæpe *funestus* est: quid quod tanta hujus *repentinæ* alterationis vis est, ut *pravi effectus*, & *malæ consecutiones* *agerrimè* corrigi queant, id quod supra in specimine *Mensium & Hæmorrhoidum* brevibus indicavimus, ut facile periti & judiciosi Medici agnoscant & deplorent, quandam stragem & perniciem *unquam* adstringentia in talibus Hæmorrhagiis præstiterint: imo *veritati observationis* practicæ respondet, quod *semper* adstringentia in talibus Hæmorrhagarum speciebus *incongruè* propinata prælagium *malum* de successu *curæ & morbi* ferre urgeant: quanta vero *eximia damna*, ex *subitanæ* Hæmorrhagarum adstrictionibus propullent & corpori immineant, haud difficili indiget demonstratione: inde enim oriuntur *præcipientes* sanguinis, in *effluxu* suo *impediti*, in *affluxu* vero suo impetuoso non *temperati, restagnationes*, nimia & momentanea valorum & partium *oppleiones*, indeque *subito* exorientes sanguinis arduæ & magnæ *stagnationes*, aut plenariæ *stases*, præcoces *corruptiones*, aut *functionum*, in *afflictis* partibus perficiendarum, *repentinæ* immutationes; quibus alterationibus superveniunt pro *partium & individuorum* præcipuè etiam *sensibilitatis personalis* diversitate, modo impetuoſi & vehementes *spasmi*, modo atroces *convulsiones*, modo *in-*  
flam-



*flammationes*, modo febres & hæc quidem aut valde præcipites & *acuta*, aut perquam *erronea*: ejusmodi repentina alteratio ad morbos *complicatos*, *intricatos*, *corruptos* & admodum *refractarios* contribuit: quid quod *una* prædictarum Hæmorrhagiarum *perverso* adstringentis usu *offensa*, totam corporis œconomiam afficere, multisque pathematibus obruere potest & solet: hinc in tali statu *nulla calamitas sola*: quin plane tales *consecutiones* morbosæ irruunt, quæ sæpe *nihil commercii* cum Hæmorrhagiis habere videntur: quare varia *motuum* vitia, nunc in *excessu*, nunc in *defectivo* processu, nunc in *irregulari* successu consistentia, oriuntur: hinc singuli ferme compatiuntur *humores*, qui modo in *libero* suo progressu eximie *impediuntur*, modo subitanea *mixtionis* & *consistentia* perversione afficiuntur, adeoque inficiuntur, aut *depravata* qualitate offenduntur, modo in *diversas corruptionum* species conjiciuntur, inde porro functiones *se- & excretoria* turbantur & communiter *minuuntur*, *impuritates* coacervantur, ordines *reliquarum* operationum pervertuntur, organa deobstruuntur, adeoque *specialia* illorum officia supprimuntur aut impediuntur, variique *connexi pravi* effectus, indicato causandi modo, eliciuntur: imo aliquando hæc remedia *incongruos conatus* hæmorrhagicos alliciunt, adjuvant, excitant & exacerbant, ut *ultimam* perruptionem adjuvando, *vehementioribus* congestionibus viam aperiant, subinde vero *excessivas* Hæmorrhagias provocant: sicut vicissim talia remedia, prudenti & *artificiosa* manu adhibita, *difficulter* erumpentes *salutares* Hæmorrhagias ad *faciliorem* fluxum & successum disponere adjuvant: quæ consideratio eo etiam inservit, ut *causali* explicatione illum effectum *illustrare* & *demonstrare* queamus, cur in-



terdum Adstringentium remedia contrarium edant effe-  
ctum & Hæmorrhagias præfentes magis *excitent*, quam  
refrænent: de qua *inversa*, in multis casibus etiam *per-*  
*versa*, imo plane *contraria* operatione adstringentium in  
prædictis mentio facta fuit.

§. XII.

Sed quid in tali necessitate *consilii* superest? quando  
miseri quidam patientes in talia *pericula* inciderunt; facta  
quidem infecta fieri haud possunt! interim in tali modo  
læsis oleo & vino opus est: non negandum tamen est,  
quod aliquando in scyllam incidat, qui & charybdin vita-  
re studet; quam ob rem magna circumspectione in ejus-  
modi casibus opus est: ita afflictos penitus *deserere* & pro-  
gnostico *fatali* relinquere velle, *religio* vetat & christia-  
nus amor obstat, multa vero *salutaria promiscue* polliceri  
velle, *conscientiam* violat, quoniam tales casus magis in  
*deteriorem*, quam meliorem inclinant statum, neque in  
*Medico*, harum observationum *optime* gnaro, ejusque *po-*  
*testate* est, ut relevetur æger: siquidem *occafio præceps*,  
*vita brevis* & *experimenta insufficientia* sunt: *magni* mo-  
menti artificium est, si aliquando plures corrigere possunt,  
quod *unus sinistro* adstringentium usu perdidit; interim  
a perito medico id faciendum est, *quo usque* vires artis  
pertingunt; reliquum *divina* directioni relinquendum:  
quamobrem aliquando in *præmatura* & *subitanea* suppres-  
sione Hæmorrhagiarum *matura V.Sio* instituenda, ante-  
quam periculose *inflammationes*, *spasmodicæ*, *convulsivæ*  
aut *febriles* commotiones superveniunt; talis missio fan-  
guinis in ejusmodi circumstantiis non debet esse *exigua*,  
quamvis Hæmorrhagia præcesserit, quoniam motus in fan-  
guine *post adstrictionem vehementior* est: deinde opera-  
dan-



danda est, quo motus, reliquas salutare & necessarias & vacationes retinente, emendentur, ob quam causam conveniunt *antispasmodica, nitrosa, cinnabarina, absorbentia*, cum *acidis saturata, corallia rubra, spir. nitr. dulcis*, nec non *lenientia emulsiva, gelatinosa, lacticina, decocta lenitiva*; ad alvum seorsim allevandam oleosa *lenientia interna*; clysteres lenientes, cataplasmata lenientia, mannam cum cremore tartari oleoque amygd. dulc. aut lacte mixtam commendamus; proinde conveniunt auxilia *sanguinis motum in aequalem progressum & distributionem redigentia*, velut *infusa calida* ex rad. cichor. scorzon. gramin. liquir. C. C. raspat. passul. min. cremor. tart., cum dimidio aqua & lactis conficienda; ut & potiones ex aqv. destill. scorzon. ceras. nigr. Plantag. fl. sambuc. acac. gelat. C. C. liqv. spir. nitr. dulc. syr. papav. rhæad. præter hæc conferunt *secura & selecta sedativa, minimè opiatà*, neque etiam facile aut promiscue castorina, sed *papaveracea*, aut decocta aut emulsiva; quo etiam flor. chamom. vulg. sambuc. aneth. acac. spectant, qui decoctis combinari possunt: præstat tamen in ejusmodi casibus *antispasmodica & lenientia vicibus repetitis* adhibere, haud vero remedia sanguinem valde *commoventia* interponere: pro re nata profunt *pediluvia, fomenta, & alio modo extrinsecus partes strictas relaxantia*, velut in *Hæmorrhoidum, Mensum & Lochiorum* præmatura suppressione: præterea etiam in tali necessitate *congruam* medelam *retardare* haud convenit, sed *primis* principiis mox obviare expedit, neque tamen decet *correctionem* ejusmodi sinistri adstringentium effectus *impetuose* urgere, quoniam ejusmodi casus *moderate*, attamen cum *efficaci* successu tractari debent: Quando effectus sinistri prædicti in *chronicos* morbos abeunt, tunc in non-



nullis casibus *Balnea & acidula* utilitatem suam promittunt, modo *tempestive* adhibeantur, priusquam humorum *stagnationes*, aut viscerum *indurationes firmiorem* sedem occuparunt: ubique tamen moderata *humectantia*, leniora *resolventia*, & temperata *lenientia* conveniunt: siquidem repetita sanguinis ventilatio proinde commendationem meretur; quid quod aliquando in repentina *urgente* necessitate artificiose & methodice *repetita* talis *V* Sectio utilis & necessaria existit: habent etiam in quibusdam casibus *revulsiva* suum locum, quando videlicet ex *incongruo* adstringentium usu repente *translationes* periculosa in *alia* suspecta i.e. *majus* periculum involventia loca abeunt: *Panacea* instar in talibus casibus convenit *pulvis antispasmodicus Scablianus*, quater quinquies per diem naturalem adhibitus & cum *pilulis Scablianis* interposita vice adhibitus, quæ posteriores iterum necessarias & *salutares* Hæmorrhagias, *tempestive* tamen & *methodice* adhibitæ, in ordinem ducere & aliorum remediorum oblatorum & præmissorum *sinistrum* effectum, *relative* corrigere adjuvant: sufficiant hæc *fundamentales & generales* annotationes *Præctica*, præsentis tractationi quadrantes: speciales ulteriori meditationi relinquimus; nunc vero huic explicationi finem imponimus; humillimis itaque divinam bonitatem celebramus laudibus, quod præsentis nostro conatui & proposito annuere voluerit, quam devotissimis etiam precibus flagitamus, quo cælesti suo adjutorio efficiat, ut huic tractationi salutaribus successibus exoptatus præsto sit

F I N I S.

Quæ



**Q**Uæ scena rerum? num Podalirius  
Resurgit urna? natus Apollinis,  
Novusve Chiron prodit orbi,  
Ut trepident, fugiantque morbi?  
Sicest. Hygeæ Clarus honoribus,  
Et laureata fronte superior,  
Fridriciana vult abire,  
In patriam neo · Doctor ire.  
I, perge, ventis pergito prosperis;  
Praxin futuram numina sospitent,  
Per suaviorem perge morem  
Corporibus renovasse florem.  
I, perge, felix vulnera subleva  
Dans ægriori pharmaca corpori,  
Hygea dignum te profatur,  
De titulo tibi gratulatur.  
Pestis, malorum grandior Ilias  
Devastet orbem, Struma, Sreatoma,  
Aphthe, Parotis, Noma, Flatus  
Hippodatæ regione natus.  
Incestet auras, sanguis inertia  
Lenta volutus corpora Colchico  
Lambat veneno, tu petitam  
Des patriæ medicando vitam.  
Seu sanitatem subruat impius  
Sub corde Causus, seu Cephalalgia  
Causet dolores, tu petitam  
Des patriæ medicando vitam.

*Epiphonema.*

EXhibeo VerI, qVæ respICe, MVnera CorDis.

Car. Frid. Pfister de Burgdorff,

Austr. Vien. AA. LL. & Phil. Mag. Med. Cand,



**E**Xercitatus mille laboribus,  
Centumque curis jam satis improbis  
Atletha vexatus, duello  
Victor abis generosiore.

Post bella fausto Marte silentia,  
Victoriosus quæ duce pallade  
Bellator intraſti, mereris  
Lauricomâ radiare fronte.

Sublimiorum culmina fulgidus,  
Conſcende honorum, neſcia ſordido  
Latere virtus in profundo,  
Te meritam vocat ad coronam,

Non indecoro pulvere ſordidam  
Capeſſe laurum, quam tibi poplite  
Me nunc recurvo ferre demum  
Docta jubet Medices facultas,

Scientiarum clarus adoreis,  
Et docta cinctus tempora laurea  
Poſt detriumphatos labores  
In patria ſine fine ſplende.

*Hiſce Doctiſſimo Domino Candidato amico ſuo ſua-  
viſſimo debitiſſimam animi ſui obſervantiam  
reſtatam facere voluit*

Petrus Linden,  
ex comitatu Lippienſi Weſtphalus  
LL. Cand.



**S**ANVS Long- Mancas Neo- DoCtor In-  
 - æVIS FortVnæ Libera n- æVIS  
 Grata feras qV-  
 sors serVet s- phocbl sIs rore be-  
 -anVM - atV6  
 LVltra ferant C- DeIn sIs sVper astra reL-

DICatVr EX affeCtV pVrI anIMI  
 ab obsequiosissimo Pratriota, ac intimo  
 Dom. Neo-Doctoris Amico

**Fran. Ignat. Liedlinger,**

Sil. Breg. Jurium Cand.

**M**ercurii, doctus lætatur Apollo, relatus,  
 Quod famæ cupias scandere jure gradus.  
 Artis Apollinæ venerabilis ecce Facultas  
 Munera Doctoris suppeditare lubet.  
 Florentem lauro præsentat Hygea coronam,  
 Nexuit hanc solidi grande laboris onus.  
 Morbos tam chronicos, medicamine pellis au-  
 cutos,  
 Id tibi succedat prosperitate Dei.  
 Apprecor, ingenii, praxisque vigere labores,  
 Ut fructus nunquam sine carere queant.  
 Gratulor inde tibi, conscendere culmen hono-  
 ris,  
 Lætor successu prospéro amice tuo.  
 Nestoreos annos vireat tibi fructus honoris,  
 Nomen ab æterna posteritate feras.

F

Diri-



Dirigat Omnipotens mea vota, precesque se-  
cundet,  
Qui tibi principium, qui tibi finis erit.

Franciscus Milner,

Med. Stud. Brunsberga - Bornissus.

---

**D**ignus, ut dextra tibi ferta neſtam  
Lauream Doctor decorande ſectam,  
Eſt enim virtus tua quæ meretur  
Ut decoretur.

Jure Doctoris titulum mereris  
Dignus, ut tali titulo noteris  
Qui tuum curſum colophone donat  
Fine coronat.

Cordis obſervas, animique motus  
Crederis Pæon, Machaonique notus  
Arte clareſcens, Medicusque gnarus  
Undique clarus.

Anteis plures Medicos peritos  
Arte quantumvis fatis expolitos  
Jure de Phœbo ſapiente plenum  
Dico Galenum.

Ergo nunc Doctor tibi gratulamur  
Artis & gnarum Medicæ proſamur  
Dat tibi laurum ratione ſana  
Fridriciana,

Tela quod jaſtant pharetræ Diana:  
Grana quot campis fluviisque rana:  
Tot novæ laudis tibi conſtituta  
Sume tributa.

Opto



Opto tot Degas in teasq Ve

Lata qVot sVrgens TheIs est ap-  
Atropos Vltæ reseCare st-

-LVtrIs

- aMen

protrahat -

*Paucis hisce versculis Clarissimo Domino Cand.  
Denique de merito Doctoratus honore gra-  
tulatur*

F. W. Prætorius,

Königsberga Neo-Marchicus Med.  
Cand.

---

**C**um Doctorali redimitus tempora lauro,  
Invises Patriæ limina grata tuæ,  
I felix ventos precor aspirare secundos  
I, Patria impatiens te remeare cupit,  
Doctorem votis te centum quisque salutat  
Absentis longas increpat usque moras,  
Omnes te cupiunt præstare medendo salutem,  
In patria doctam quisque reposcit opem,  
I, praxis tibi fausta fluat Dii cœpta secudent  
Adventu fugiant morbida castra tuo.

*Ita vovet*

Francisc. Arnold. Costerus,

ex Liebenburg, J. Cand.

Pic-



**P**lerides musæ pindi per prata profusa  
Agminibus junctæ, properate ad Carmina Cunctæ,  
Cimbala Vestra sonent, resonantia verba redonent,  
Nunc Culmen Scandit, cui Virtus ostia Pandit,  
Per pulchros Mores doctoris Naclus honores,  
Per doctam Vitam generoso pulvere tritam,  
Vertice Cui Crescat laurus, sine fine virescat,  
Quæ feret optatum fructum hoc Certamine Natum,  
Dum in Patriam tendit, praxis primordia prendit,  
Queis adsint Vivi Cœlesti munere rivi,  
Hoc Voveo totis, quæ fundo pectore, Votis.

*Et a Nobilissimo Domino Candidato Ami-  
coque suo Suavissimo animitus ap-  
plausit*

**Bernard. Max. Radts;**

*Liebenburgensis LL. Cultor.*





01 A 6509


ULB Halle

002 931 249

3









DISSERTATIO INAUGURALIS MEDICA, #2.  
DE  
ADSTRINGENTIUM PERVERSO  
IN HÆMORRHAGIIS USU ET EFFECTU,

QUAM AUSPICE DEO PROPITIO  
*Et Consensu atque Auctoritate Gratiſſe Facultatis Medicæ,*  
IN ALMA REGIA FRIDERICIANA,

PRÆSIDE  
DN. D. MICHAELE ALBERTI,

SACR. MAJEST. REG. BORUSSIÆ AULICO ET CONSIST. MAGDEB. CONSILIARIO,

MEDIC. ET PHILOS. NATUR. PROFESSORE PUBLICO ORDINARIO, ETC.  
FACULTATIS MEDICÆ DECANO SPECTATISSIMO,

*Domino Patrono ac Promotore suo omni honoris cultu prosequendo,*

PRO GRADU DOCTORIS,

*Summisque in Medicina Honoribus & Privilegiis Doctoralibus legitime impetrandis,*

HORIS LOCOQUE CONSVETIS, ANNO MDCCXXIX. D. AUGUST.

PUBLICAE AC PLACIDAE ERUDITORUM VENTILATIONI SUBICIET

RESPONDENS

IGNATIUS DENICLER,

LANDESHUTA - SILESIUS.



HALÆ MAGDEB. LITTERIS HENDELIANIS.